

REGIONAL NEWS BULLETIN

HEADLINES (EVENING)

1. Sorkar laipui 'Ek Bharat Shreshtha Bharat' hmalakna hnuaiah Governor Gen (Dr) Vijay Kumar Singh an Manipur, Meghalaya leh Tripura State-te pualin Foundation Day lawmna hun Raj Bhavan Durbar Hall ah a buatsaih.
2. Mizoram Upa Pawl Gen. Hqrs. Hruaituten vawiin khan Larsap (Dr) VK Singha chu Raj Bhavan-ah an kawm.
3. Hindu te intawhkhawm Prayagraj-a Maha Kumbh neih mekah mipui inpawng nekna avangin mi 15 aia tlem lo an thi.
4. Delhi Assembly inthlan campaign chuan a vawrtawp a thleng chho tan.



GOVERNOR

Sorkar laipui 'Ek Bharat Shreshtha Bharat' hmalakna hnuaiah Governor Gen (Dr) Vijay Kumar Singh an Manipur, Meghalaya leh Tripura State-te pualin Foundation Day lawmna hun Raj Bhavan Durbar Hall ah a buatsaih a. Heng State pathumte foundation day hi January ni 21 kha a ni a, remchan zawkna avangin vawiin hian hman a ni.

Governor chuan kalkhawmte chu Manipur, Meghalaya leh Tripura State-te foundation day puala chibai bukin duhsakna a hlan a. Ek Bharat Shreshtha Bharat kaltlanga State dangte dinchampha inlawmsak thin chuan India ram culture hausakzia leh inpumkhatzia a pholang a ni, a ti a. Prime Minister-in India ram chu kum 2047 ah ram changkang leh intodelh, 'Vikshit Bharat' a hlankai a tum kawngah hmarchhak State-te chuan dinhmun pawimawh tak an luah tih sawiin, "India ram hmarchhak hmun pawimawh tak, thenawm rambuaiin a chim mekte hualvelah kan awm a, hemi karah hian ram inpumkhatna turin mawhpurhna kan neih nasat phah a ni," a ti bawk.

Larsap chuan foundation day lawm tura kalkhawmte chu tun ai zawnga inpawh leh zual nan state dangte hnam ziarang leh nunphungte phur taka hriat chian tum tur leh zah thiam tum turin a chah a. Hmarchhak State-te leh India ram hmun dangte tunhma zawng aia an inpawh ta chu lawmawm a tih thu sawiin, thalaite chu an hawiher tizau deuh deuh turin a fuih a. State hrang hrang aiawh thusawitu leh hnamlam mawi tak tak entirtute fakawm a tih thu sawiin, Vikshit Bharat ni thei tura theitawp chhuahpuiah a sawm nghal bawk a ni.

He hunah hian Manipur Governor Pu Ajay Kumar Bhalla, Meghalaya Governor Pu C.H. Vijayashankar leh Tripura Governor Pu Indra Sena Reddy Nallu te video message thlirho a ni a. Manipur State aiawh Dr. Rebecca Angom, Assoc. Professor, PUC, Meghalaya aiawh Pi Premika Blah, Chief Manager, SBI leh Tripura aiawh Dr. Achinta Badya, Asst. Professor, MZU-te hnen atangin thusawi ngaihthlak a ni a. State 3 zirlai RIPANS atanga tel te'n hnam lam an entir a ni.

(DIPR)



MUP

Mizoram Upa Pawl (MUP) Gen. Hqrs. Hruaitute chuan an President Pu Nghaklianmawia hovin vawiin khan Larsap (Dr) VK Singhchu Raj Bhavan-ah an kawm a.

He hunah hian MUP hotute chuan Governor hi duhsakna an hlan a. Kum upate tana hamthatna awmte tarlangin theitawp chhuahpui turin an ngen a. Heng bakah hian Mizoram hmasawna pawimawh hrang hrangte an sawipui a ni.

Wawiin vek khan Pu Virendra Kumar Jakhar, Executive Director, NHIDCL Regional Office chuan Larsap hi hmuin Mizorama NHIDCL hmalakna hrang hrangte an sawidun a. Larsap chuan project hrang hrangte hun bituk chhunga tha taka zofel thei tura tan la turin a chah a. A bikin

Mizoram mamawh chak lakna kawngpui Sairang leh Silchar pawhtu National Highway siam hna chu ngaipawimawh turin a chah a ni.

(DIPR)

<><><>

GOVERNOR

Sorkar laipui 'Ek Bharat Shreshtha Bharat' hmalakna hnuaiah Governor Gen (Dr) Vijay Kumar Singh an Manipur, Meghalaya leh Tripura State-te pualin Foundation Day lawmna hun Raj Bhavan Durbar Hall ah a buatsaih a. Heng State pathumte foundation day hi January ni 21 kha a ni a, remchan zawkna avangin vawiin hian hman a ni.

Governor chuan kalkhawmte chu Manipur, Meghalaya leh Tripura State-te foundation day puala chibai bukin duhsakna a hlan a. Ek Bharat Shreshtha Bharat kaltinga State dangte dinchampha inlawmsak thin chuan India ram culture hausakzia leh inpumkhatzia a pholang a ni, a ti a. Prime Minister-in India ram chu kum 2047 ah ram changkang leh intodelh, 'Vikshit Bharat' a hlankai a tum kawngah hmarchhak State-te chuan dinhmun pawimawh tak an luah tih sawiin, "India ram hmarchhak hmun pawimawh tak, thenawm rambuain a chim mekte hualvelah kan awm a, hemi karah hian ram inpumkhatna turin mawhphurhna kan neih nasat phah a ni," a ti bawk.

Larsap chuan foundation day lawm tura kalkhawmte chu tun ai zawnga inpawh leh zual nan state dangte hnam ziarang leh nunphungte phur taka hriat chian tum tur leh zah thiam tum turin a chah a. Hmarchhak State-te leh India ram hmun dangte tunhma zawng aia an inpawh ta chu lawmawm a tih thu sawiin, thalaite chu an hawiher tizau deuh deuh turin a fuih a. State hrang hrang aiawh thusawitu leh hnamlam mawi tak tak entirtute fakawm a tih thu sawiin, Vikshit Bharat ni thei tura theihtawp chhuahpuiah a sawm nghal bawk a ni.

He hunah hian Manipur Governor Pu Ajay Kumar Bhalla, Meghalaya Governor Pu C.H. Vijayashankar leh Tripura Governor Pu Indra Sena Reddy Nallu te video message thirho a ni a. Manipur State aiawh Dr. Rebecca Angom, Assoc. Professor, PUC, Meghalaya aiawh Pi Premika Blah, Chief Manager, SBI leh Tripura aiawh Dr. Achinta Badya, Asst. Professor, MZU-te hnen atangin thusawi ngaihthlak a ni a. State 3 zirlai RIPANS atanga tel te'n hnam lam an entir a ni.

(DIPR)

<><><>

MIZORAM CHILLI DATA

Mizoram chhungah kum 2024 chhungin hmarcha quintal 5858 leh kg 5065 chin a ni a, quintal 37,929 leh kg 475 thar chhuah beisei a ni.

Agriculture Department chhinchhiah danin Mizoram chhunga hmarcha chinna atan hian ram acre 11831 leh bigha 42 hman a ni a, Mizoram pum ang a chhutin chhungkaw 8687 ten hmarcha hi an ching a ni.

Mizoram District hrang hrang zingah hmarcha hi Aizawl District-a chhungkaw 1,138 ten ram acre 1,218-a zauva quintal 43 leh kg 735 an chin atangin quintal 2435 leh kg 605 thar chhuah beisei a ni a, district dang pariat, Lunglei, Siaha, Lawngtlai, Kolasib, Serchhip, Khawzawl, Saitual leh Hnahthial a chhungkaw 6345 ten ram acre 8328 leh bigha 25-a zua va hmarcha quintal 893 leh kg 7175 an chin atangin quintal 32,479 leh kg 76 tharchhuah beisei a ni bawk.

VC John Vanlalchhuanga, Akashvani News Aizawl

Mizoram distict zinga hmarcha ching hnem ber hi Champhai district an ni a, Champhai District-a chhungkaw 851 ten hamrcha quintal 177 leh kg 202 an chin atangin quintal 2130 leh kg 91 tharchhuah beisei a ni a, hmarcha ching tlem ber district chu Mamit district niin chhungkaw 353 ten hmarcha quintal 11 leh kg 4 an chinah quintal 883 leh kg 2 tharchhuah beisei a ni bawk.

(CORR)

<><><>

PARIKSHA PE CHARCHA

St Pauls Higher Secondary School zirlai Lalnunsangi Ralte, Pawl 10 zirlai chu kum 2025 Pariksha Pe Charcha 8th Edition ah Prime Minister Narendra Modi nen inkawm tura thlan a ni.

Prime Minister Narendra Modi hova zirna chunchanga inkawmhona Pariksha Pe Charcha ah hian ramchhunga zirlai hrang hrang thlan chuah te an tel thin a, kuminah hian zirlai 100 chuangin Delhi an pan hnuah zirlai 36 chu Prime Minister nena inkawmhona ah hian an tel thei dawn a ni.

Lalnunsangi Ralte chuan Prime Minister kawm tura thlan ani chu lawmawm atih thu sawiin ramchhunga zirna in hma a sawn theih nana ke a penna ah lawmthu hrilh a tum a ti a, hei aia tan la zual zel turin hrilh a tum thu a sawi bawk.

Byte...Lalnunsangi Ralte

Prime Minister leh zirlaite inkawmna ah hian Narendra Modi chuan ramchhunga zirlai naupangte chu exam avanga an rilru hahna chhawk zangkhai zawngin hun a hman pui thin a, zirlaite bakah zirtirtute leh nu leh Pa ten Prime Minister hi zawhna an zawt thin a, Nikumah chuan January thla tawpah he hun hi hman a ni a, thudawn danin kuminah pawh January thla tawpah hman tura beisei a ni.

(DESK)

<><><>

OIL PALM

Lunglei Dist. chhung Putlungasih khuaah chhungkaw 21 vel ten Oil Palm nasa takin an ching mek a, Pu Johomoni, Oil Palm Grower Assn President, Putlungasih chuan a rah kg-ah Rs 15 in Patanjali Company ten an leisak thei dawn a ni a ti.

Nikum leh kum hmasa lam khan Kg-ah Rs 9.40 in Company hian Collection Centre atangin an leisak tih a sawi a, tunah a hralhna tur cheng 15 a tihsan a lo ni dawn ta chu lawmawm a tih thu a sawi a. Mahni thahnemngaihna a he thlai hi ching anih thu leh an khua a loneitu te pawh a phak ang tawk tawk a zirtir ve thin thu a sawi a, tunah chuan chhungkaw engemawzat in he thlai hi intunnun nan an hmang ta a ni a ti.

(Byte)

Pu Johomoni-a hian Oil Palm hi kum 3 ah a rah thei tih a sawi a, a upa apiang a rah a tha tih sawiin kum 6-7 ah phei chuan a rah a tha in a chang tawh a ni tiin a sawi. Pu Johomoni hian Oil Palm kung 200 vel a nei a, kung khatah bawr 7 vel te a awm thei tih sawiin bawr khatah hian Kg 20-40 te a awm thei a ni a ti. Hetiang anih chuan kung 200 atang chuan Rs Nuai 6 chuang man hmu thei tur a ngaih a ni.

Oil Palm bakah hian Tung Grower Assn, President Putlungasih khua a ni bawk a, Tung kung 150 vel neiin kung 300 vel a tihpun a tum mek tih sawiin a chi hi Serchhip khua Pu Rualzakhuma (NLUP hlawhtlin puitu) ta an lei thin thu leh tunah hian Kg-ah Rs 200 in an lei dawn niin a sawi bawk. Tung Oil hi Litre 1-ah Rs 500 in an hralh leh thin niin a sawi bawk.

Pu Johomoni hian heng thlai bakah hian zawngtah, kuhva, ngiau, theihai leh lakhuihthei te a ching a, nikum khan Zawngtah hralhna atangin Rs sing 7 vel zet a hmuchhuak tih a sawi bawk.

(Thangmingliana Lunglei PTC)

<><><>

BCM

Vawiin khan Baptist Church of Mizoram BCM hmunpui Serkawnah kum 2025-2028 chhunga BCM puipa tur te Assembly Executive Committee in an thlang chhuak a.

BCM khaipa ber General Secretary atan Rev. Dr. H. Lalthlamuana Lawngtlai Executive Secretary nilai mek chu thlan a ni. Asst.GS (Mission) atan Rev. R. Lalrintluanga, Aizawl Executive Secretary nilai mek thlangin AGS (Service) atan Rev. Vanlalmuankima thlan a ni a, ani hi Director Pastoral Ministry Dept. nilai mek a ni. Executive Secretary, Lawngtlai atan Rev. Dr. Lalzarliana, Director Communications Dept. & BPL nilai mek thlan a ni bawk.

Executive Secretary, Aizawl atan Rev. C. Lalhungleiana Bialtu Pastor Thuampui Pastor Bial, Aizawl nilai mek thlan a ni bawk. Hruaitu thlan thar te hian BCM Assembly 2025 March thla hnulam ah charge an la ang.

(Thangmingliana Lunglei PTC)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



MAHAKUMBH

Hindu te intawhkhawm Prayagraj-a Maha Kumbh neih mekah mipui inpawng nekna avangin mi 15 aia tlem lo an thi a, midang engemawzatin hliam an tuar. President Draupadi Murmu leh Prime Minister Narendra Modia te chuan vanduaina thleng chu pawl an tih thu sawiin an thlung a na hle an ti a. President Murmu-i chuan mitthi chhungte a tawrhpu thu sawiin hliam tuarte pawh an dam leh thuai theih nan duhsakna a hlan a ni.

PM Modia pawhin sakhaw hunpui chhim tura kal zingah nunna chan an awm chu pawl atih thu a sawi a. Social Media kaltlangin a tawrhpu thu thawnin hliam tuarte pawh dam thuai turin duhsakna a hlan a. UP Chief Minister Yogi Adityanath nen pawh an inbiak thu sawiin state sawrkarte nen an inbiakpawh reng thu a sawi bawk a ni.

Vanduaina thlen dan sawiin CM Yogi Adityanath chuan tukin dar 1 atang dar 2 inkar vel khan indaidainna siam chu mi tamtakin an bawhchhiat avangin vanduaina hi a thleng a ti a. Hliam tuarte hi damdawiinah rang taka hruai nghal an nih thu a sawi bawk a ni. Tun dinhmunah Mahakumbh ah hian mi vaibelchhe 8 atanga vaibelchhe 10 vel an awm thu a sawi a ni.

(Newsonair)



DELHI ASSEMBLY

Delhi Assembly inthlan campaign chuan a vawrtawp a thleng chho tan a. BJP, Aam Aadmi Party leh Congress hruaituten khawpui chhung hmun hrang hrangah vantlang inkhawm leh kawngzawh neiin mipuite vote hui tumin theitawp an chhuah a Vawiin khan Congress Party chuan Delhi Assembly inthlana an manifesto an tlangzarh a..

He hunah hian Party hruaitu Jairam Ramesh leh Pawan Khera bakah Delhi Unit chief Devendar Yadav te pawh an tel a. An manifesto ah ian hmeichhe tan cheng 2500 thlatina sem te, cheng nuai 25 thleng huam tur health insurance siamte, LPG cylinder cheng 500 man leh athlawna ration sem leh unit 300 thleng a thlawna kawlphetha hman theihna te a tel a ni.

Heithlai hain Prime Minister Narendra Modia chuan vawiin khan North East Delhi-a Yamuna Khadar-ah thusawiin Delhi mipuiten sawrkar thar an duh tawh a ti a. Mi retheite tana chenna in sa thei sawrkar, Delhi ti changkang a, chenna in tina tui herhaw theih pe thei tur leh tanker mafia te nuaibo thei tur sawrkar an duh a ti a. Pu Modia chuan an intiamna zawng zawngte chu Delhiah BJP an sawrkar atangin hunbi neiin an tihlawhtling vek dawn a ti bawk.

Vawiin vek khan Union Minister Nitin Gadkari chuan Matiala leh Vikaspuri ah hun a hmang a. Union Minister Manohar Lal Khattar chuan Moti Nagar, RK Puram leh Mehrauli ah te a campaign bawk a ni.

AAP hruaitu leh Delhi CM hlui Arvind Khejriwal chuan vawiin khan Badli leh Timarpur ah thu a sawi a. Punjab CM Bhagwan Mann chuan Rajouri, Tilak Nagar leh Vikaspuri ah te campaign-in hun a hmang a ni.

Puan tawh angin February ni 5 ah vote thlak tur a ni a. February ni 8 ah vote chhiar a ni ang.

(Newsonair)

